



Inatsisartuni ilaasortaasunut, Ane Hansen aamma Naaja H. Nathanielsen, Inuit Ata-
qatigiit
-/MAANI

Aalisarnek pillugu inatsimmut allannguutissatut siunnersuut pillugu § 37-026- 2014-imut akissut

11. februar 2014
Suliap normua 2014-095321
All. Nr. 1478647

Inatsisartut suleriaassianni § 37, imm. 1 naapertorlugu aalisarnek pillugu inatsimmut
allannguutissatut siunnersuut pillugu Naalakkersuisunut apeqquteqarputit. Apeqqut
uannut akisassanngortinneqarsimavoq.

Postboks 269
3900 Nuuk
Oqarasuaat (+299) 34 50 00
Allak. (+299) 34 63 55
E-mail: apnn@nanaq.gl
www.naalakkersuisut.gl

Apeqqut 1

*Suli paaserusuttuarsinnarparput aalajangiisarnerni biologit siunnersuisarnerinit paasis-
sutissiissutigineqartartut atuisullu ilisimasaat¹ Naalakkersuisut piviusumik qanoq
atortinniarneraat. Ulloq 13. september 2013 ammaanermi oqalugiaammimi Naalakker-
suisut Siulittaasuat oqarpoq "atuisut ilisimasaat bilogit siunnersuinerattulli
naleqartigaluni" atortinneqassasoq. Kisiannili § 37 naapertorluguapeqqummut nr. 257-
2013-imut akissummi d. 16. januar 2014-imeersumi Siulittaasooq oqarpoq atuisut ili-
simasaannik ilanngutititsinermut atatillugu siusinnerusukkut pisarsimasunit llanngor-
titsisoqangaassanngitsooq. Taamaattorli aalisartut ilisimasaat "ilanngullugit"
suliarineqartassasut. Oqaaseq "ilanngullugit" Naalakkersuisut qanoq isumaqartippaat?
Akissummi unnersuussutigineqarpoq oqaaseq "suleraatsimmi eqqunneqaqqaartaria-
qarmata", tamannalugooq pillugu massakkut "naleqqiussusooqartarnissaanik oqalussal-
luni tunngavissaqanngilaq." Tamanna imatut paasisariaqarpa suliarmiit suliarmut allan-
ngorartumik atuisut ilisimasaannik biologillu siunnersuinerannik
naleqqiussisoqartoqartalerumaartoq?*

Apeqqut 2

*"Naalakkersuisut qinnuigissavagut aalisarnermi ingerlatsisut ataatsikkut
aalisarsinnaanermut tulaassuivinnullu aningaasaliissuteqarsinnaanermut mattussaani-
saannik piumasaqarnikkut ammasumik sunnuteqarluartumillu unammilleqatigiittoqarnissaa
qulakkeerneqassasumik tunngavilersuutitut atugartik itisileqqullugu²? Tamanna amma-
sumik sunnuteqarluartumillu unammilleqatigiittoqarnissaanik killiliinertut aamma isigi-
neqarsinnaanngila?"*

Apeqqut 3

*"Naalakkersuisut allapput "aaqqiussuussineq massakkut atuuttoq ima ineriartorsimavoq
ullumikkut pissutsit imaalersimallutik nunatsinni aalisarnermi ingerlatseqatigiiffiit aalisar-
nerup iluani niuernerme annertuumik aalajangiisuusumillu inissisimaler-
simallutik, ingerlatseqatigiiffiit taakku nunami tunitsivinnik piginnittuunermiksaniatigut
aalisarsinnaatitaanernik annertuunik pigisaqarnerat tunngavigalugu." Ingerlatseqatigiiffi-*

¹ Takuuk aalisarnermut inatsisissatut siunnersuummi § 1, imm. 2

² Takuuk akissuteqaat nr. 3 16. januar 2014-imeersooq

inuku kikkorpiat Naalackersuisut unnersuussutigigaat? Inuussutissarsiutip aalajangersimasup iluani piginnittuunerup eqiterneqarpallaarsinnaanerani pinngitsortitsiniarneq imaluunniit annertuallaartumik aalajangiisuuallaartumillu inissisisimatsaaliuinissaq Naalackersuisut inuussutissarsiornikkutingerlatsinermi isumatut tunngavigilersimanerpaat, uffa inatsisitmalinneqaraluartut? Ingerlatsisoq nunatsinni niuernermi annertuallaartumik aalajangiisuuallaartumillu inissisisimasutut isigineqalissappat tamatuminnaga aalajangiinermi suut tunngavittut atorineqassappat? Naalackersuisut pilersaarpat isumaliortaaseq taama ittoq inuussutissarsiutinik allanik ingerlatsinermut tuniluutsinniarlugu?

Apeqquut 4

"Apeqquutit sisamaannut akissut ersernerluppoq. Inatsisissatut siunnersuummi oqaaseqaatiniluunniit llassimasoqanngimmat paragraaffip aalisartutut inuussutissarsiuteqartuunissamik piumasaaqatitallip (kummersualinnut paragraaffip) eqquteqqinneqarnissaa taamaallaat siunissami qinnuteqartartussanut atortuutinneqassa-soqilumoornerarneqarsinnaava Naalackersuisut inatsisissatut siunnersuutaat kukkuneqartoq? Inuinukua kikkut, aammaana aaqqissuussineq qanoqittoq, apeqquutit sisamaannut akissummi unnersuussutigineqartut Naalackersuisut isumaanniittut?"

Apeqquut 5:

"Naalackersuisunut erseqqissaqqussavarput inatsisissatut siunnersuutip immikkoortui sorliit "inatsisiliortut nalinginnaasumik taarsiissutitaqanngitsumik inuussutissarsiornermi pissutsit pillugit malittarisassiorsinnaanerannut killiliussat iluanni" timitalerneqassanngatinneqarnersut. Kummersualinnut paragraaffip eqquteqqinneqarnissaakisiat pineqarpa imaluunniit tulaassuivinnik akuersissutinilluullumikkut piginnittuusut aamma pineqarpat?"

Apeqquut 6

"Naalackersuisut allapput inuit aalisariutinik ingerlataqartut "italerlutik" tulaassuiveqarnermik siunissami ingerlataqarsinnaaneranut mattussaasalissanngitsut. Naalackersuisunut itisileqqussavarput namminneq inatsisiliaminni aalajangersakkat suut taamatut oqaaseqaateqarnissamut tunngaviliisitsinersut?"

Apeqquutinut 1-6-inut akissutit:

Maluginiarpara 1-miit 6-imut apeqquutit ataatsimut isigalugu tassaasut Naalackersuisut allakkatigut januarip 16-iani, 2014-imi akissutaannik uteqqiinerit. Maannakkorpiaq naleqqussorivallaanngilara, apeqquutit taakku akeqqissallugit, Naalackersuisut tamarmi-usut inatsimmut siunnersuummik saqqummiussinissamik kinguartitsinissamut aalajangiisimanerat eqqarsaatigalugu.

Taamaakkaluortoq nalunaarutigissavara, tusarniaanerup kingorna aalisarneq pillugu inatsimmut allannguutissatut siunnersuutissatut periarfissanut tunngasut ilaannut isumaliusersuuteqarlunga aallartissimagama.

Apeqquut 7

"Aalisarnermut inatsit kinguartinneqassasoq qanga kimillu aalajangiiffigineqarpa? Tamanna piva qaammatip matuma naalernerani Aalisarnermut Naalackersuisunngortinneqaruni kinguartitsiniarluni Inatsisartuni ilaasortap Finn Karlsenip tusagassiorfinnut oqarnera sioqqullugu kingoqqulluguluunniit?"

Apeqquut 7-imut akissut

Paasissutissiissutigineqarsinnaavoq, aalisarnej pillugu inatsimmik saqqummiussinissap kinguartinneqarnissaata isummerfiginissaa, taamanikkut Aalisarnermut Naalakkersuisuugallartup, Aleqa Hammond-ip inassuteqarnera tunngavigalugu Naalakkersuisunit tamanit aalajangiiffigineqarpoq ulloq 17. januar 2014.

Apeqquut 8

"Aalisarnermut nutaamik inatsisissap sinaakkutai pillugit Naalakkersuisut aalisarnermilu kattuffiit isumaqatigiilissagaluarpata – taava tamanna Siumup Inatsisartuni gruppiata akerlileeratarsinnaaneraningarnit pingaernerutinneqassava? Taamatut aperisari-aqarnermut pissutaavoq Naalakkersuisooqatigiinni ilaasortaasut arlallit maanna oqarmata naatsorsuutigineqassasoq Siumup Inatsisartuni gruppiata aalajangertagaasa inatsisil-iortarnerni timitalerneqartarnissaat?"

Apeqquut 8-mut akissut

Naalakkersuisut inatsisissatut siunnersuummik saqqummiussinissamik kinguartitsinissaq pillugu aalajangerannut pissutaasoq tassa, Naalakkersuisut kissaatigimaassuk innuttaasut sulii oqallinnissaat, taakkununga ilaallutik aalisarnermi kattuffiit. Tassunga atatillugu siunnersuutit pitsaasut aammalu kinguneqarsinnaasut tamarmik tikilluaqquneqarput. Eqqarsaatigisassat attuumassuteqartut tamarmik tamatuma kingorna inatsisissatut siunnersuummik suliamik ingerlateqqinnermi oqimaaqatigiissaartariaqarlutik.

Inussiarnersumik inuulluaqqusilluta

Finn Karlsen